

РИШТОНДА “КУЛОЛЛАР САЙЛИ” СТАРТ ОЛДИ

Риштон туманидаги "Халқаро кулолчилик маркази"да "Кулоллар сайли" миллий кулолчилик маҳсулотлари кўргазма-савдосининг очилиш маросими бўлиб ўтди.

Фарғона вилояти ҳокимлиги, Туризм қўмитаси ва Республика "Ҳунарманд" уюшмаси билан ҳамкорликда 1-5 июнь кунлари ташкил этилаётган тадбирга Республикамиз вилоятлари ва Қорақалпоғистон кулолчилик мактабларининг вакиллари бўлган уста кулоллар, шунингдек, Россия ва Тоҷикистондан ҳунармандлар жалб этилди.

Очилиш маросимида вилоят ҳокимининг ўринбосари Ҳуршиджон Аҳмедов, Риштон тумани ҳокими Баҳодиржон Холиқов, хорижлик меҳмонлар, соҳа мутахассислари ва кенг жамоатчилик вакиллари қатнашди.

Тадбир очилиш маросимида Давлатимиз раҳбари томонидан юртимизда қадимий ва бой анъаналарга эга ҳунармандчилик соҳасини ривожлантиришга алоҳида эътибор қаратилаётгани қайд этилди.

"Кулоллар сайли" иккинчи маротаба Риштон туманида бўлиб ўтаётганига эътибор қаратишди. Риштон - Қадимдан Марказий Осиёдаги сирланган сопол буюмлар маркази ҳисобланиши, риштонлик кулоллар томонидан тайёрланган маҳсулотлар ўзининг дизайнни, табиий ранги ва қалампир нусхали нақшларга бойлиги билан ажralиб туриши, ўзига хос Риштон кулоллар мактаби мавжудлиги "Кулоллар сайли"ни мазкур худудда ташкил этилишида муҳим аҳамият касб этаётгани таъкидланди.

Тадбир давомида санъаткорлар иштирокидаги концерт дастури, миллий қўшиқ ва рақслар ийғилганларга кўтаринки кайфият бағишилади.

"Кулоллар сайли" миллий кулолчилик маҳсулотлари кўргазма-савдоси очиқ деб эълон қилиниб, меҳмонлар Ўзбекистоннинг турли худудларига хос бўлган кулолчилик маҳсулотлари билан танишиш ва харид қилиш имкониятига эга бўлишди.

Маҳорат дарслари ўтказилиб, унда кулолчилик маҳсулотларини ясаш ва уларга нақш бериш жараёнлари амалга оширилди.

Бугун шунингдек, "Риштон кулолчилиги: кеча, бугун, эртага" номли китоб тақдимоти, "Ўзбекистон замонавий кулолчилиги: анъана ва инновация" мавзусидаги Республика илмий-амалий анжумани ташкил этилди.

Фестиваль доирасидаги қизиқарли тадбирлар эртага ҳам давом этади.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2024-06-01 20:45:11